

ler/Brot/Löffel/Messer/Pironen oder Säblin fein ordentlich/nach Tisch-
brauch/darauff legen/vnnd die Tischtüchlein fein künstlich auff mancherley
Manier vnd Form zusammen gelegt/auff jedes Deller vnnd Brot auff
zierlichst vnd ordentlichst auffzustellen/Vnd sonst alle ander/zu einer Für-
sten vnd Herrn Tafel gehörig/hinbey ordnen/vnnd also dieselbige in seiner
gebürenden stattlichen bereitshafft/bis daß dem Herrn die Speiß auffzu-
tragen geliebet wirt/stehen lassen.

Von Truckessen/Schencken vnd Rundtschencken.

Das V. Capitel.



Die Truckseß / so die Speise aufftragen / sollen stattliche / wa-
ckere/freudige/junge vom Adel seyn/vnnd die Speise/ je eine
auff die andere geseßet / mit einem schönen / saubern / weissen/
oberherhangenden Tischfazanetlein oder Seruieten / fein
auffrichtig/in aller zierde/vor inen her tragen / Vnd dieselbi-
gen nachmals fein ordentlich / eine nach der andern / mit gebürender Tisch-
Ehr vñ Reuerenß/auff ires Herrn Tafel nider zuseßen wissen. Der Schenck
sol seines Herrn Tafel/nach dem die Zeit ist / vnnd frembde Gäste vorhan-
den seyn mit allerley rotem/weissem/süßem vnd saurem Wein/recht vñ wol
b ij versehen